

La canzon di Valbreggitt

(MOLIN E ASNIN DI TEMP PASSAA)



ANTICO MULINO DI VALBREGGIA

STROFE DI
MARZOPINO

MUSICA DI
M. TOFFOLETTI



LA SOMEGGIATA SUL PONTE ROMANO



«I ASNITT DE BRENGIA» AL MERCATO DI COMO

I MOLIN

Ogni paês e ogni cittàa
gh'han la soa storia di temp passàa...
Se a nun de Brengia scherzan « asnin »
l'è per la storia di vecc molin!

Cont el sò ingegn, i nost missee
dês secoi fa, o forsi pussee,
han faa la Rongia travers i praa
e dês molin han fabricaa.

La Rongia operosa
ai sò molin la va,
assidua e silenziosa
la viv per lavorà....

Fedel ai sò mansion,
coi fòrz che lee la g'ha
la passa tra i rodon
e tutt je fa girà!

El gira 'l rodon
a tutt i stagion...
el canta'l mornee
cont pien el granee!

La moeula la va
dì e nott a masnà
forment e carlon
el gira 'l rodon!

El gira 'l rodon
a tutt i stagion...
el canta'l mornee
con pien el granee!

Se a nun de Brengia scherzan « asnin »
l'è per la storia di vecc molin!

I ASNIN

Ogni mornee, i sò asnitt
je somegiava per el tragitt
da la Valbrengia a la cittàa
fin su la piazza de quel mercàa.

Quand je vedevan i cittadin,
che simpatia per sti asnin!...
In tal manêra nun Valbrengitt
s'hemm faa on nom coi nost'asnitt!

Intant che canta'l gall
la fila di asnin
la lassa la soa vall
coi sacch pien de farin...

La bella mornerina
ghe piàs andagh adree
per fa la smorfiosina
col giovin del mornee!...

E l'asan al va
tranquill e pazient,
al ved a smorfià
ma'l dîs mai nient.

Però quand che 'l sent
basitt a scoccà
al rid e content
'l se mett a taglià!!

I duu morosin
content anca lor
se tiran visin
e cantan l'amor!...

In tal manera nun Valbrengitt
s'hemm faa on nom coi nost'asnitt!!